

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-1794/20
Sarajevo, 26.03.2020.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Damira Marjanovića, dostavlja se;

VEZA: Vaš akt broj: 01-04-7569-13/20 od 12.03.2020. godine.


U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu, koju je na 22 Radnoj sjednici Skupštine Kantona Sarajevo održanoj dana 11.03.2020. godine postavio zastupnik Damir Marjanović.

Prilog:

-Akt Uprave policije broj: 02/1-51/20 od 26.03.2020. godine,
-CD;

Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
SARAJEVO

26 -03- 2020
577/20

Broj: 02/1- 51 /20
Dana: 26.03.2020. godine

MINISTARSTVO UNUTRAŠNJIH POSLOVA KANTONA SARAJEVO
- Sekretaru

PREDMET: Zastupnička inicijativa zastupnika Damira Marjanovića, odgovor,
dostavlja se.-

VEZA: Vaš akt broj 01-7-02-2-1793/20 od 19.03.2020. godine

Zastupnik Damir Marjanović je na 22. Radnoj sjednici Skupštine Kantona Sarajevo, održanoj dana 11.03.2020.godine, u skladu sa čl. 106. i 213. Poslovnika Skupštine Kantona Sarajevo uputio zastupničku inicijativu Ministarstvu unutrašnjih poslova Kantona Sarajevo, Vladi Kantona Sarajevo i Skupštini Kantona Sarajevo sljedećeg sadržaja:

„Da se zastupnicima Skupštine Kantona Sarajevo i javnosti HITNO dostavi informacija o planu djelovanja Ministarstva unutrašnjih poslova Kantona Sarajevo i Vlade Kantona Sarajevo, kao i ostalih institucija Kantona Sarajevo, u potencijalnoj kriznoj situaciji koja može biti izazvana prilivom značajnijeg broja migranata na područje Kantona Sarajevo, a koje se očekuje shodno posljednjim zbivanjima na granici Turske i Grčke uvjetovane odlukom turske vlade da dopusti značajnom broju osoba da ilegalno pređu ovu granicu.“

Uzimajući u obzir nadležnosti Uprave policije Ministarstva unutrašnjih poslova Kantona Sarajevo, dostavljamo vam sljedeći odgovor:

U skladu sa odredbama Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19 i 31/19), kretanje i boravak stranaca nisu propisani kao nadležnost Uprave policije.

Služba za poslove sa strancima, kao upravna organizacija s operativnom samostalnošću u sastavu Ministarstva sigurnosti BiH, je nosilac u rješavanju problematike imigracija, ima jedinstveno postupanje i djelovanje u rješavanju problematike imigracija na čitavom području Bosne i Hercegovine i prvenstveno se bavi nadzorom nad kretanjem i boravkom stranaca u Bosni i Hercegovini.

Međutim, od početka migranstske krize, policijski službenici Uprave policije prate situaciju i prikupljanju podatke sa terena, nakon čega se vrše adekvatne procjene radi blagovremenog djelovanja i preduzimanja mjera i radnji iz nadležnosti Uprave policije kako bi se stanje sigurnosti na području Kantona Sarajevo održalo na zadovoljavajućem nivou.

Formiran je i odgovarajući Operativni tim na nivou Uprave policije sa isključivim nadležnostima koje idu u pravcu procjene, planiranja, koordiniranja i realizacije planskih aktivnosti Uprave policije u oblasti praćenja i kontrole kretanja migranata, a sa osnovnim ciljem održavanja povoljnog stanja sigurnosti na području Kantona Sarajevo.

Operativni tim za pitanje migranata, zajedno sa Službom za poslove sa strancima Ministarstva sigurnosti Bosne i Hercegovine, postupa po **Planu za sprovođenje zajedničkih i drugih odgovarajućih mjera i radnji iz nadležnosti Službe za poslove sa strancima i Uprave policije MUP-a Kantona Sarajevo, na sprečavanju i sankcionisanju svih oblika nezakonitog ponašanja migranata, postupanja, smještaja i drugih aktivnosti u vezi sa migrantima na području Kantona Sarajevo, broj 02-86/19 od 09.07.2019. godine.**

Od strane policijskog komesara, policijskim službenicima su blagovremeno su date određene instrukcije usklađene sa planskim odrednicama, kako bi se usljed pojave novog talasa nekontrolisanog dolaska migranata na područje Kantona Sarajevo, adekvatno i blagovremeno sa sigurnosnog aspekta preduzele odgovarajuće mjere u cilju suzbijanja nezakonitih aktivnosti migrantske populacije koje bi mogle negativno uticati na sigurnosnu situaciju.

Pojačane aktivnosti policijskih službenika na terenu u cilju kontrole kretanja stranaca, odnosno ilegalnih migranata, naročito u periodu najave dolaska novih grupa ilegalnih migranata usljed otvaranja tursko-grčke granice od strane Republike Turske, poklopila se vremenskim periodom proglašenja pandemije koronavirusa (COVID – 19) od strane Svjetske zdravstvene organizacije.

Uprava policije MUP-a Kantona Sarajevo je, zbog sve većeg priliva ilegalnih migranata, uzimajući u obzir njihovo ponašanje i neograničeno kretanje na ulicama, što pogoduje mogućnosti prenošenja zaraznih bolesti (obzirom da dolaze iz različitih zemalja sa velikim riziko-faktorom na prisutnost koronavirusa), preduzela niz konkretnih aktivnosti na terenu koje su za cilj imale smanjenje mogućnosti prenošenja zaraznih bolesti i stavljanja pod kontrolu lica koja predstavljaju opasnost po sigurnost građana (utvrđivanje i provjera identiteta, pregledi, racije, akcije i sl.).

Uprava policije će, u saradnji sa Službom za poslove sa strancima, zdravstvenim i drugim nadležnim organima i institucijama, nastaviti sa poduzimanjem mjera u cilju smanjenja mogućnosti prenošenja zaraze od strane migrantske populacije i drugih bezbjedonosnih rizika, kao i mjera na zaštiti policijskih službenika u toku izvođenja službenih zadataka na terenu, čime će se dati doprinos održavanju povoljnog stanja sigurnosti na području Kantona Sarajevo.

U skladu sa propisanim procedurama i ubuduće će se vršiti redovno informisanje javnosti, kao i organa zakonodavne i izvršne vlasti na području Kantona Sarajevo, o svim provedenim aktivnostima u navedenoj oblasti.

